



75
1041

Broj: 07-07-04-644/26
Sarajevo, 15.04.2026. godine

SKUPŠTINA KANTONA SARAJEVO
Služba za skupštinske poslove

Predmet: Odgovor na zastupničku inicijativu,-

Zastupnica Sebija Izetbegović je dana 16.03.2026. godine uputila zastupničku inicijativu:

“Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da Vlada Kantona Sarajevo, putem Ministarstva komunalne privrede, infrastrukture, prostornog uređenja, gradenja i zaštite okoliša Kantona Sarajevo, pripremi prijedlog zakona i odgovarajućih podzakonskih akata kojima bi se jasno regulisalo držanje, ponašanje i odgovornost vlasnika kućnih ljubimaca na području Kantona Sarajevo.

U posljednjih nekoliko godina evidentno je značajno povećanje broja kućnih ljubimaca, posebno pasa, u urbanim sredinama Kantona Sarajevo. Iako je držanje kućnih ljubimaca važan segment savremenog urbanog života, istovremeno se nameće potreba jasnijeg normativnog uređenja prava i obaveza vlasnika, kako bi se osigurala ravnoteža između prava vlasnika kućnih ljubimaca i prava drugih građana na uredan, siguran i čist javni prostor.

Poseban problem u praksi predstavlja boravak kućnih ljubimaca na javnim površinama, uključujući parkove, šetališta, trotoare i zelene površine, gdje nerijetko dolazi do situacija da vlasnici ne uklanjaju izmet svojih ljubimaca, dime se narušava higijena i izgled javnih površina, a u i zdravlje građana.

S tim u vezi smatram daje potrebno uspostaviti jasan i savremen normativni okvir koji će definisati obaveze vlasnika kućnih ljubimaca, posebno u dijelu koji se odnosi na:

- obavezu odgovornog držanja kućnih ljubimaca,*
- pravila kretanja i boravka kućnih ljubimaca na javnim površinama,*
- obavezu vlasnika da uklone izmet svojih ljubimaca sa javnih površina, definisanje kaznenih odredbi za nepoštivanje ovih obaveza,*
- uspostavljanje adekvatne komunalne infrastrukture (vrećice, kante, zone za pse).*

Usklađivanje sa evropskim standardima i dobrom praksom

Prilikom izrade zakonskih i podzakonskih akata potrebno je uzeti u obzir evropske standarde i praksu gradova Evropske unije, gdje je ova oblast detaljno uređena.

Primjeri dobre prakse uključuju:

- Njemačka (Berlin i Miinchen) — vlasnici pasa imaju zakonsku obavezu da uklone izmet svojih ljubimaca sa javnih površina, a za nepoštivanje ove obaveze propisane su*

novčane kazne koje mogu iznositi i do nekoliko stotina eura. Gradovi također osiguravaju posebne posude i vrećice za prikupljanje otpada od kućnih ljubimaca.

- *Austrija (Beč)* — uveden je sistem besplatnih vrećica za vlasnike pasa („Sackerl ftirs Gackerl“) koje su dostupne na velikom broju lokacija u gradu, uz jasno definisanu obavezu čišćenja iza ljubimaca i značajne kazne za nepoštivanje pravila.
- *Francuska (Pariz)* — propisane su stroge kazne za vlasnike koji ne uklone izmet svojih ljubimaca sa javnih površina, a grad kontinuirano razvija infrastrukturu i edukativne kampanje za odgovorno vlasništvo.
- *Nizozemska (Amsterdam)* — grad imajasnno definisane zone za pse, obaveznu registraciju pasa i strogu komunalnu kontrolu nad poštivanjem pravila ponašanja na javnim površinama. Ovakvi modeli pokazuju daje kombinacija jasnih propisa, adekvatne infrastrukture i komunalnog nadzora ključna za održavanje higijene i kvaliteta urbanog prostora.

Prijedlog mjera

S tim u vezi predlažem da nadležne institucije:

- 1. Pripreme prijedlog zakona i podzakonskih akata koji će regulisati držanje i ponašanje vlasnika kućnih ljubimaca na području Kantona Sarajevo.*
- 2. Definišu jasne obaveze vlasnika kućnih ljubimaca, uključujući obavezu uklanjanja izmeta sa javnih površina.*
- 3. Predvide adekvatne kaznene odred be za nepoštivanje propisa.*
- 4. Osiguraju razvoj komunalne infrastrukture za vlasnike kućnih ljubimaca (posebne kante, vrećice, zone za pse).*
- 5. Usklade propise sa dobrim praksama gradova Evropske unije i savremenim standardima urbanog upravljanja javnim prostorom.*

Cijeneći značaj očuvanja higijene javnih površina, zaštite zdravlja građana i uspostavljanja kulture odgovornog vlasništva nad kućnim ljubimcima, smatram da je potrebno da Vlada Kantona Sarajevo pokrene proces izrade odgovarajućeg zakonodavnog okvira i o poduzetim aktivnostima informiše Skupštinu Kantona Sarajevo.”.

Odgovor:

Uzimajući u obzir navedenu inicijativu, ukazujemo da je Ministarstvo privrede Kantona na osnovu člana stav 17. stav (7) Zakona o veterinarstvu (“*Službene novine Federacije BiH*”, broj 46/00) donijelo Pravilnik o držanju i postupanju sa psima, mačkama, divljim i opasnim životinjama (“*Službene novine Kantona Sarajevo*”, broj 12/23) vodeći pri tom računa o njegovoj usklađenosti sa drugim propisima kojima je problematika držanja i zaštite životinja regulisana.

S poštovanjem,



Zlatko Mijatović

Dostavljeno:

1. Naslovu,
2. Vladi Kantona Sarajevo,
3. Evidenciji,
4. Arhivi.